



জনসংযোগ কার্যালয় জাহাঙ্গীরনগর বিশ্ববিদ্যালয়

সাভার, ঢাকা, বাংলাদেশ
ফোন: ০২২২৪৪৯১০৪৫-৫১ ফ্যাক্স: ০২২২৪৪৯১০৫২
ওয়েবসাইট: www.juniv.edu



প্রেস বিজ্ঞপ্তি

জাহাঙ্গীরনগর বিশ্ববিদ্যালয়:

পারস্পরিক শ্রদ্ধা ও সহমর্মিতা প্রদর্শনে উচ্চ আসনে অবস্থান করতে হবে

-নবনিযুক্ত উপাচার্য ড. মো: নূরুল আলম

জাহাঙ্গীরনগর বিশ্ববিদ্যালয়, ১৮ এপ্রিল ২০২২।

জাহাঙ্গীরনগর বিশ্ববিদ্যালয়ে নবনিযুক্ত উপাচার্য অধ্যাপক ড. মো: নূরুল আলম বলেছেন, বিশ্ববিদ্যালয় হলো গণতান্ত্রিক ও মুক্তবুদ্ধির চর্চা এবং জ্ঞান অন্বেষণের তীর্থস্থান। এখানে দল ও মতের ভিন্নতা থাকতে পারে। তবে পারস্পরিক শ্রদ্ধাবোধ ও সহমর্মিতা প্রদর্শনে আমাদেরকে উচ্চ আসনে অবস্থান করতে হবে। জাতির বিবেক ও পথ প্রদর্শক হিসেবে আমাদেরকে উজ্জ্বল হতে হবে। আজ বেলা এগারোটায় বিশ্ববিদ্যালয়ের সিনেট হলে অনুষ্ঠিত নবনিযুক্ত উপাচার্যকে দেয়া সংবর্ধনা সভায় উপাচার্য এ কথা বলেন। উপাচার্য তাঁর অভিভাষণে আরও বলেন, আসুন আমরা সকলে দল-মতের উর্ধ্বে উঠে এ বিশ্ববিদ্যালয়ের শিক্ষা ও গবেষণাকে বিশ্ব মানের পর্যায়ে এগিয়ে নেয়ার ব্রত গ্রহণ করি। তিনি হাতে হাত রেখে, কাঁধে কাঁধ মিলিয়ে বিশ্ববিদ্যালয়ের শিক্ষা, গবেষণা ও চলমান ভৌত অবকাঠামোগত উন্নয়নমূলক কার্যক্রম এগিয়ে নিতে অংশীজন হওয়ার আহবান। বিশ্ববিদ্যালয় প্রশাসন কর্তৃক আয়োজিত এ সংবর্ধনা অনুষ্ঠানে উপাচার্য ড. মো: নূরুল আলম বিশ্ববিদ্যালয় পরিচালনায় তাঁর দৃষ্টিভঙ্গি তুলে ধরে বলেন, আমি যতোদিন এ বিশ্ববিদ্যালয়ের কর্তৃপক্ষীয় পদে অধিষ্ঠিত থাকবো, আমার দ্বারা কেউ ক্ষতিগ্রস্ত হবেন না। আমি মনে করি, সকলের জন্য এক-ই নীতির প্রয়োগ করলে এতে সংখ্যাগরিষ্ঠ মানুষ উপকার পায়। আমি এ জন্য নিয়ম-নীতি ও ন্যায় প্রতিষ্ঠার পক্ষপাতি। আমার কাছে সকলেই বাঞ্ছিত আচরণ পাবেন এবং অন্যায় ও অনিয়ম আমরা সম্মিলিতভাবে প্রতিরোধ করবো। অধ্যাপক ড. মো: নূরুল আলম তাঁকে জাহাঙ্গীরনগর বিশ্ববিদ্যালয়ের উপাচার্য পদে নিয়োগ দানের জন্য গণপ্রজাতন্ত্রী বাংলাদেশের মহামান্য রাষ্ট্রপতি, মাননীয় প্রধানমন্ত্রী, মাননীয় শিক্ষামন্ত্রী এবং শিক্ষা সচিবসহ সংশ্লিষ্ট সকলের কাছে আন্তরিক কৃতজ্ঞতা নিবেদন করেন। ভারপ্রাপ্ত রেজিস্ট্রার রহিমা কানিজের পরিচালনায় সংবর্ধনা অনুষ্ঠানে নবনিযুক্ত উপাচার্যকে অভিনন্দন ও শুভেচ্ছা জানিয়ে বক্তব্য রাখেন উপ-উপাচার্য (প্রশাসন) অধ্যাপক শেখ মো: মনজুরুল হক, কোষাধ্যক্ষ অধ্যাপক ড. রাশেদা আখতার, বঙ্গবন্ধু শিক্ষক শিক্ষক পরিষদের সভাপতি গাণিতিক ও পদার্থবিষয়ক অনুষদের ডিন অধ্যাপক ড. অজিত কুমার মজুমদার, সিন্ডিকেট সদস্য অধ্যাপক ড. মুহম্মদ হানিফ আলী, সিনেটে রেজিস্ট্রার গ্র্যাজুয়েট প্রতিনিধি অধ্যাপক ড. শামছুল আলম ও অধ্যাপক ড. আলমগীর কবীর, সিনেটে শিক্ষক প্রতিনিধি অধ্যাপক ড. শাহেদুর রশিদ, বিজনেস স্টাডিজ অনুষদের ভারপ্রাপ্ত ডিন নীলাঞ্জন কুমার সাহা, আইন অনুষদের ভারপ্রাপ্ত ডিন তাপস কুমার দাস, বঙ্গমাতা বেগম ফজিলাতুন্নেছা মুজিব হলের প্রাধ্যক্ষ অধ্যাপক মোহা. মুজিবুর রহমান, বিশ্বকবি রবীন্দ্রনাথ ঠাকুর হলের প্রাধ্যক্ষ অধ্যাপক ড. আবদুল্লাহ হেল কাফী, শহীদ রফিক জব্বার হলের প্রাধ্যক্ষ অধ্যাপক ড. সোহেল আহমেদ, শহীদ সালাম বরকত হলের প্রাধ্যক্ষ অধ্যাপক ড. আলী আজম তালুকদার, শিক্ষক সমিতির সভাপতি অধ্যাপক ড. লায়েক সাজ্জাদ এন্ডেল্লাহ, সম্পাদক অধ্যাপক ড. মোতাহার হোসেন, বঙ্গবন্ধু শিক্ষক শিক্ষক পরিষদের সাধারণ সম্পাদক অধ্যাপক ড. খালিদ কুদ্দুস, ভারপ্রাপ্ত প্রক্টর ড. তাজউদ্দিন সিকদার, ইতিহাস বিভাগের সহযোগী ড. সুলতানা আক্তার, অফিসার সমিতির সভাপতি ডেপুটি রেজিস্ট্রার আজীম উদ্দিন, পাবলিক হেলথ এন্ড ইনফরমেটিকস বিভাগের সহকারী অধ্যাপক মাহমুদুর রহমান প্রমুখ। অনুষ্ঠানে শিক্ষক সমিতি, অফিসার সমিতি, কর্মচারী সমিতি, কর্মচারী ইউনিয়ন, বঙ্গবন্ধু শিক্ষক পরিষদ ও বিভিন্ন পেশাজীবী সংগঠন এবং জাবি শাখা ছাত্রলীগ নবনিযুক্ত উপাচার্যকে অভিনন্দন ও শুভেচ্ছা জানান। এর আগে সকাল সাড়ে নয়টায় নবনিযুক্ত উপাচার্য বিশ্ববিদ্যালয়ের শহিদ মিনারে ভাষা শহিদের প্রতি, দশটায় বিশ্ববিদ্যালয়ে বঙ্গবন্ধু শেখ মুজিবুর রহমান হলের সম্মুখে বঙ্গবন্ধুর প্রতিকৃতিতে এবং সাড়ে দশটায় জাতীয় স্মৃতিসৌধে শ্রদ্ধাঞ্জলি নিবেদন করেন। নবনিযুক্ত উপাচার্য বেলা দুইটায় ধানমন্ডির ৩২ নম্বরে জাতির পিতা বঙ্গবন্ধু শেখ মুজিবুর রহমানের প্রতিকৃতিতে শ্রদ্ধাঞ্জলি নিবেদন করেন।

সাবেক উপাচার্যের অভিনন্দন ও শুভেচ্ছা

সদস্য সাবেক বিদায়ী উপাচার্য অধ্যাপক ড. ফারজানা ইসলাম নবনিযুক্ত উপাচার্য অধ্যাপক ড. মো: নূরুল আলমকে অভিনন্দন ও শুভেচ্ছা জানিয়েছেন। আজ অধ্যাপক ড. ফারজানা ইসলাম বলেন, বঙ্গবন্ধু শিক্ষক পরিষদের একজন পৃষ্ঠপোষক বিশিষ্ট পদার্থবিজ্ঞানী ড. মো: নূরুল আলম উপাচার্য হিসেবে নিয়োগ পাওয়ায় তিনি আনন্দিত। তিনি আশা প্রকাশ করেন যে, নবনিযুক্ত উপাচার্যের গতিশীল নেতৃত্বে জাহাঙ্গীরনগর বিশ্ববিদ্যালয় শিক্ষা ও গবেষণায় অভূতপূর্ব সাফল্য অর্জন করবে।

২০২০

ড. মোহাম্মদ মহিউদ্দিন
পরিচালক (ভারপ্রাপ্ত)